

Ճանապարհային ոստիկանության վարչական իրավախախտման գործով կայացված 06.12.2019թ. ԱՖ153518 որոշումն անփոփոխ, իսկ վարչական բողոքն առանց բավարարման թողնելու մասին

<< 14 > 12 2019թ. 17-13- 11066

ք.Երևան

Ճանապարհային ոստիկանության պետ, ոստիկանության գնդապետ Ե.Կարապետյանս, վերանայելով Գուրգեն Մելիքյանի ՄԴ/7636-19 դիմումի քննարկման արդյունքում ստեղծված նյութերը՝

Պ Ա Ր Զ Ե Ց Ի

Երևան քաղաքի Բաշինջաղյան փողոցի 62-րդ տան բնակիչ Գուրգեն Մելիքյանը դիմումով իր անհամաձայնությունն է հայտնել Ճանապարհային ոստիկանության վարչական իրավախախտման գործով կայացված 06.12.2019թ. ԱՖ153518 որոշմանը՝ նշելով, որ համաձայն չէ որոշմամբ արձանագրված իրավախախտման հետ:

Դիմումի քննարկման արդյունքում պարզվել է, որ վարչական իրավախախտման գործով կայացված 06.12.2019թ. ԱՖ153518 որոշումը ենթակա է կատարման հետևյալ պատճառաբանությամբ.

<<Ճանապարհային երթևեկության անվտանգության ապահովման մասին>> օրենքի 18-րդ հոդվածի 1-րդ մասի <<ը>> կետի համաձայն՝ **վարորդին արգելվում է վարել կեղծ, փոխված կամ ստանդարտին չհամապատասխանող հաշվառման համարանիշներով (ժամանակավոր համարանիշների դեպքում՝ նաև ժամկետանց համարանիշներով) կամ առանց հաշվառման համարանիշների:**

Ուսումնասիրությամբ պարզվել է, որ 26.11.2019թ. ժամը 10:3-ի սահմաններում Երևան քաղաքի Լենինգրադյան փողոցում քաղաքացի Գուրգեն Մելիքյանի կողմից վարած <<LEXSUS>> մակնիշի 9033HV ժամանակավոր համարանիշի ավտոմոբիլը կանգնեցվել է Ճանապարհային ոստիկանության ՃՊԾ 1-ին սպայական գումարտակի 8-րդ դասակի տեսուչների կողմից՝ առանց առջևի ժամանակավոր համարանիշի ավտոմոբիլը վարելու համար և կազմվել է վարչական իրավախախտման վերաբերյալ արձանագրություն:

06.12.2019թ. Ճանապարհային ոստիկանության 1-ին սպայական գումարտակի վարչական գործնեության բաժանմունքի պետ, ոստիկանության փոխգնդապետ Ա.Հովսեփյանի կողմից կայացվել է ԱՖ153518 վարչական իրավախախտման գործով որոշումը:

Դիմումում նշված հանգամանքների շուրջ պարզաբանումներ տալու նպատակով 25.12.2019թ. քաղաքացի Գուրգեն Մելիքյանը հրավիրվել է Ճանապարհային ոստիկանություն, որտեղ գրավոր բացատրություն է տվել այն մասին, որ 26.11.2019թ. ժամանակավոր համարանիշը իր համար անհայտ պայմաններում ճանապարհին ընկել և կորել է, ինչի վերաբերյալ տեղեկացել է միայն ՃՈ տեսուչների կանգնեցնելուց հետո:

Ճանապարհային ոստիկանության ծառայողների կողմից տրված պարզաբանումների համաձայն՝ արձանագրությունը կազմելու ժամանակ քաղաքացի Գուրգեն Մելիքյանը հայտնել է թե նոր է կորցրել համարանիշը և տեղյակ չի եղել այդ մասին:

<<Ճանապարհային երթևեկության անվտանգության ապահովման մասին>> օրենքի 18-րդ հոդվածի 1-րդ մասի <<ը>> կետի պահանջը խախտելու համար քաղաքացի Գուրգեն Մելիքյանի նկատմամբ կազմվել է վարչական իրավախախտումների վերաբերյալ արձանագրություն և վարչական իրավախախտումների վերաբերյալ ՀՀ օրենսգրքի 123.5-րդ հոդվածի 4-րդ մասի համաձայն կայացվել է վարչական իրավախախտման գործով ԱՖ153518 որոշումը:

1862
92 20

<<Ճանապարհային երթևեկության անվտանգության ապահովման մասին>> օրենքի 17-րդ հոդվածի 1-ին մասի <<ա>> կետի համաձայն՝ Ճանապարհային ոստիկանության ծառայողը պարտավոր է տրանսպորտային միջոցը կանգնեցնել, եթե **ակնհայտ** կամ տեխնիկական միջոցների օգտագործմամբ **երևում է, որ վարորդը խախտել է ճանապարհային երթևեկության կանոնների պահանջները**:

Այսպիսով, դիմումատուի պնդումները արժանահավատ համարել հնարավոր չէ, և նրա արարքում առկա է Վարչական իրավախախտումների վերաբերյալ << օրենսգրքի 123.5-րդ հոդվածի 4-րդ մասի հատկանիշները, ուստի ելնելով վերոգրյալից և ղեկավարվելով Վարչական իրավախախտումների վերաբերյալ << օրենսգրքի 293-րդ հոդվածի 1-ին մասի 1-ին կետով՝

Ո Ր Ո Շ Ե Ց Ի

1. Ճանապարհային ոստիկանության վարչական իրավախախտման գործով կայացված 06.12.2019թ. ԱՖ153518 որոշումը թողնել անփոփոխ, իսկ վարչական բողոքն առանց բավարարման:
2. Սույն որոշումն ուժի մեջ է մտնում հանձնելու օրվան հաջորդող օրը և կարող է բողոքարկվել << վարչական դատարան՝ օրենքով սահմանված կարգով և ժամկետներում:
3. Սույն որոշման օրինակն ուղարկել Գուրգեն Մելիքյանին և Ճանապարհային ոստիկանության ՃՊԾ 1-ին սպայական գումարտակ:

**Ե.Կարապետյան**